

ივანე ჯავახიშვილის სახელობის თბილისის
სახელმწიფო უნივერსიტეტის

სოციალურ და პოლიტიკურ
მეცნიერებათა ფაკულტეტი



გზამკვლევი

2018



ძვირფასო სტუდენტებო!

ეს ნანატრი დღეც დადგა და თქვენ უკვე უნივერსიტეტის კედლებში იმყოფებით. ამიერიდან ცოდნის ასწლოვან ტაძარში დაეუფლებით თქვენთვის სა-

სურველ პროფესიებს, კარს გაუღებთ ცხოვრების ახალ ეტაპს, რომელსაც დიდი ძალისხმევით, მონადინებითა და დაუღალავი შრომით ნაბიჯ-ნაბიჯ გაივლით და დიდი იმედი მაქვს, წარმატებით დაასრულებთ.

სტუდენტობის წლები განუმეორებელია, განსაკუთრებული ხანაა - მუდმივი ძიებების, დაკვირვების, ცვლილებების, აღმოჩენების პერიოდი, როდესაც თავისუფალ გარემოში უწყვეტ შტუდირებებთან ერთად სწავლობ აზროვნებას, ავითარებ უნარებს, აწრთობ ნებისყოფას და ასე თანდათან ყალიბდები თავისუფლების მოყვარე პიროვნებად, ინდივიდუალური თვისებებით გამორჩეულ თანასწორუფლებიან მოქალაქედ, ვისაც საკუთარი ქვეყნის სვე-ბედზე ზრუნვა ავალია.

საუნივერსიტეტო ცხოვრება, პირველ ყოვლისა, თანამშრომლობას გულისხმობს. აქ ლექტორსაც და სტუდენტსაც ერთი მიზანი უნდა ჰქონდეს - ურთიერთპატივისცემაზე დაფუძნებული ნაყოფიერი საქმიანობით ხელი შეუწყოს სასწავლო პროცესს, შექმნას ჰარმონიული გარემო, სადაც შესაძლებელი იქნება ცოდნის დაუფლება, აზროვნების განვითარება. თუმცა, ყველა საქმე მუდამ ასე იოლი როდია. ამ გზაზე ბევრი წინალობაც შეგხვდებათ, ზოგჯერ - მარცხიც და გულისტკივილიც, მაგრამ ამ სიძნელეების გადალახვაში ისევ და ისევ ცოდნის ტაძარში ნაგროვები და ნაწრთობი ხასიათის თვისებები - მტკიცე ნებისყოფა, სიბრძნისმოყვარეობა, დათმენის ნიჭი და შეუპოვრობა დაგეხმარებათ.




ჩვენ ძალზე საინტერესო ეპოქაში ვცხოვრობთ. აჩქარებულ დროში, სადაც ყველაფერი იცვლება, მუდმივად

ტრანფორმირდება. ოდნავი ჩამუხლვაც კი ჩამორჩენას ნიშნავს. და დროის ამ ულმოებელ დევნაში ხშირად მთავარი გვაწინყდება - მეხსიერება და მორალი, რაზედაც დგას ჩვენი სამყარო და რაც გვაგრძნობინებს თავს ადამიანებად. ამ ორი მნიშვნელოვანი ფასეულობის კარგვა, აქსიოლოგიურ პარადიგმათა ცვლილება სერიოზული და ზოგჯერ გამოუსწორებელი პრობლემების წინაშე გვაყენებს. სწორედ ეს უნდა იყოს მთავარი საფიქრალი, დღენიადაგ საზრუნავი თითოეული ჩვენგანისთვის, რომ ამ ტექნოლოგიური სრულყოფილებებისკენ ლტოლვაში სულიერება არ დაგვკარგოთ, მთავარი არ დაგვისხლტეს ხელიდან.

და რა ვუნამლოთ, როგორ შევძლოთ ამ ვითარების გამკლავება, როგორ ავირიდოთ თავიდან ეს საფრთხე? ამ კითხვებზე ნიადაგ ფიქრობენ მოაზროვნენი, თანამედროვეობის გამორჩეული „გონებითი მუშაკნი“. გამოსავალი მხოლოდ და მხოლოდ სწორ არჩევანშია. ამ მართებული არჩევნის ფორმულა კი ასე იკითხება - ზნეობრიობასთან შეზავებული ინტელექტი. სწორედ განათლებული და იმავდროულად მაღალზნეობრივი ადამიანები შეძლებენ გაუმკლავდნენ ნებისმიერ სირთულეს, მუდამ რომ აღიმართებიან ჩვენ წინაშე. დიახაც, უნივერსიტეტი უნდა იყოს ის კერა, სადაც ცოდნასთან ერთად, სინდისის გაკვეთილებსაც უნდა ენაფებოდეთ. სხვა რომ არ ვთქვათ, ამ სიტყვების სიმართლეს ჩვენი სულმნათი წინაპრებიც ცხადლივ გვიდასტურებენ.

რაც უნდა მაღალფარდოვნად გეჩვენოთ ჩემი სიტყვები, მათში მარტოდენ დამოძღვრა არაა, არამედ ერთგვარი გაფრთხილებაცაა, ზრუნვა ხვალინდელ დღესა და ჩვენს უკეთეს მომავალზე. დღეს თქვენთვის ახალი ეტაპი იწყება, ახალი ასაკი, რომელსაც არაფერი აქვს საერთო დღეების განვლილ ოდენობასთან. როგორც ერთი ბრძენი იტყოდა, ეს ასაკი კი არა, საქციელია, რომელიც შეგიძლიათ ჩვენს საუნივერსიტეტო სივრცეში წარმატებით განახორციელოთ. და ამ საქციელით თქვენი კვალი დატოვოთ ჩვენი ქვეყნის უპირველესი საგანმანათლებლო კერის სისხლსავსე ცხოვრებაში!

სოციალურ და პოლიტიკურ მეცნიერებათა
ფაკულტეტის დეკანი,
ასოცირებული პროფესორი თამარ დოღბაია



ივანე ჯავახიშვილის სახელობის თბილისის სახელმწიფო უნივერსიტეტი სოციალურ და პოლიტიკურ მეცნიერებათა ფაკულტეტი შეიქმნა 2005 წელს.

ფაკულტეტის სასწავლო სამეცნიერო პროცესს უზრუნველფოს 67 პროფესორი და 41 დამხმარე სპეციალისტი.

ფაკულტეტზე სწავლობს 3161 სტუდენტი, მათ შორის ბაკალავრიატში – 2224, მაგისტრატურაში – 710, დოქტორანტურაში – 227 სტუდენტი.

სწავლების სამივე საფეხურის პროგრამები ხორციელდება, დასავლეთის წამყვანი უნივერსიტეტებიდან გაზიარებული სწავლებისა და კვლევის სტანდარტებისა და ადგილობრივი კვალიფიციური აკადემიური პერსონალის გამოცდილების საფუძველზე და დონორი ორგანიზაციების დახმარებით.

სასწავლო-სამეცნიერო დეპარტამენტები:

- ინტერდისციპლინური
- პოლიტიკის მეცნიერება;
- ჟურნალისტიკა და მასობრივი კომუნიკაცია
- საერთაშორისო ურთიერთობები;
- საზოგადოებრივი გეოგრაფია;
- სოციოლოგია და სოციალური მუშაობა;



ბაკალავრის აკადემიური ხარისხის მოსაკრებლად სტუდენტმა უნდა დააბროვოს 240 კრედიტი

კრედიტი (1 კრედიტი = 25 საათი) წარმოადგენს სტუდენტის დატვირთვის საზომ ერთეულს; ECTS-ის (კრედიტების ტრანსფერისა და დაგროვების ევროპული სისტემა) შემოღების მთავარ მიზნებს წარმოადგენდა ქვეყნებს შორის სტუდენტების მობილობის ხელშეწყობა.

სოციალურ და პოლიტიკურ მეცნიერებათა ფაკულტეტის სტუდენტს ევალება საფაკულტეტო მოთხოვნების შესრულება და საბაზისო-საფაკულტეტო სასწავლო კურსების აღება.

საბაზისო საფაკულტეტო სწავლება მოიცავს 50 კრედიტს და შედგება:

ა) სავალდებულო სასწავლო კურსებისაგან (45კრედიტი):

1. სოციალურ მეცნიერებათა კვლევის მეთოდები – 5 კრედიტი
2. სტატისტიკა – 5 კრედიტი;
3. ინგლისური ენა (I და II) - 10 კრედიტი
4. აკადემიური წერა-5 კრედიტი
5. შესავალი კურსები სპეციალობაში – 20 კრედიტი,

ფაკულტეტი გთავაზობთ 6 შესავალ კურსს, რომელთაგან ოთხ სავალდებულო, სტუდენტმა თავად უნდა შეარჩიოს, მათ შორისაა სპეციალობის შესავალი კურსი.

ესენია:

- ჟურნალისტიკისა და მასკომუნიკაციის შესავალი – 5 კრედიტი
- პოლიტიკის მეცნიერების შესავალი – 5 კრედიტი

- საერთაშორისო ურთიერთობის შესავალი – 5 კრედიტი;
- საზოგადოებრივი გეოგრაფიის შესავალი – 5 კრედიტი;
- სოციოლოგიის შესავალი – 5 კრედიტი;
- სოციალური მუშაობის შესავალი – 5 კრედიტი;

ბ) არჩევითი სასწავლო კურსებისგან (5 კრედიტი), ქვემოთ ჩამოთვლილთაგან სავალდებულოა ერთი კურსის აღება

- ლოგიკა – 5 კრედიტი
- გამოყენებითი ეკონომიკა – 5 კრედიტი
- ანთროპოლოგია – 5 კრედიტი
- კონფლიქტი, გენდერი და მშვიდობის მშენებლობა – 5 კრედიტი
- მეტყველების კულტურა (არაფურნალისტებისთვის) – 5 კრედიტი
- ევროპული და ევროატლანტიკური ინტეგრაციის ისტორია – 5 კრედიტი
- გამოცდილებითი სწავლა/ სწავლების მეთოდები – 5 კრედიტი

ძირითადი სპეციალობის სასწავლო კურსების ოდენობა განისაზღვრება 120 ECTS (კრედიტით).

დამატებითი სპეციალობისა და თავისუფალი კრედიტების არჩევა დასაშვებია, როგორც ძირითადი ფაკულტეტის, ასევე თსუ-ის სხვა ფაკულტეტების საბაკალავრო პროგრამებიდან.

უცხო ენის სწავლება

სოციალურ და პოლიტიკურ მეცნიერებათა ფაკულტეტზე, სპეციალობების საჭიროებებიდან გამომდინარე, სავალდებულოა ინგლისური ენის შესწავლა და 10 კრედიტის დაგროვება. საერთაშორისო ურთიერთობებისა და საზოგადოებრივი გეოგრაფიის მიმართულებებზე, სავალდებულოა 30 კრედიტის შესრულება. საერთაშორისო ურთიერთობების სტუდენტებს დამატებით ასევე ევალებათ 20 კრედიტის მოცულობით მეორე უცხო ენის გავლაც. ინგლისურ ენასთან ერთად სტუდენტს სურვილის შემთხვევაში შეუძლია მეორე უცხო ენის არჩევაც, რაც ჩაეთვლება თავისუფალ კრედიტებში.

ინგლისური ენის 10 კრედიტიანი სწავლების ვალდებულებისაგან თავისუფლდება ინგლისური ენის B2 დონეზე ცოდნის დამადასტურებელ შემდეგ სერტიფიკატების მქონე სტუდენტი (CEFR B2; IELTS exam-5; BEC exam and CELS exam- Vantage; Cambridge exam FCE, Pritman ESOL International; TOEIC-541; TOEFEL (500-paper based; 173- vomputer based; 61-internet based)

პირველსემესტრელთა ინგლისური ენის სწავლის დონე განისაზღვრება სწავლის დაწყებამდე ინგლისური ენის ტესტირების საფუძველზე.

რას ნიშნავს ადმინისტრაციული და აკადემიური რეგისტრაცია?

ადმინისტრაციული რეგისტრაცია გულისხმობს ყოველი სემესტრის დასაწყისში სწავლის საფასურის გადახდას, თიბისი ბანკი, ლიბერთი ბანკი), ასევე TBC PAY (სწრაფი ჩარიცხვის აპარატების მეშვეობით) ხოლო აკადემიური რეგისტრაციისას სტუდენტი თსუ-ის ბაზაში (sms.tsu.ge) ირჩევს სასწავლო დისციპლინებს.

რამდენი კრედიტის აღების უფლება აქვს სტუდენტს ყოველ სემესტრში?

სასწავლო წლის განმავლობაში ბაკალავრიატის სტუდენტს აქვს 65 კრედიტის აღების უფლება (თითოეულ სემესტრში 30 ან და 35 კრედიტი). ასევე VIII-XII დამამთავრებელ სემესტრში სტუდენტს აქვს უფლება, აიღოს 40 კრედიტი, თუ მას ამ დროისთვის უკვე დაგროვილი აქვს 200 კრედიტი. სტუდენტი, რომელიც რვა სემესტრის განმავლობაში ვერ დააგროვებს 240 კრედიტს და არ შეასრულებს საფაკულტეტო პროგრამით გათვალისწინებულ სავალდებულო მოთხოვნებს, დარჩენილი კრედიტების დასაგროვებლად თვითდაფინანსების საფუძველზე აიღებს დამატებით სემესტრს.

გაითვალისწინეთ, რომ სახელმწიფო გრანტი მოქმედებს მხოლოდ რვა სემესტრის განმავლობაში.

შეიძლება თუ არა ერთი და იმავე სავალდებულო საგნის ხელმეორედ არჩევა კრედიტის შეუსრულებლობის შემთხვევაში?

შესაძლებელია ერთი და იმავე სავალდებულო საგნის სამჯერ არჩევა, მაგრამ მესამედ კრედიტის შეუსრულებლობის შემთხვევაში შეგიწყდებათ სტუდენტის სტატუსი.

ვის მივმართოთ დამატებითი კითხვებისა და ინფორმაციის შემთხვევაში:

თქვენთვის სასურველი ინფორმაციის მისაღებად სასწავლო პროგრამებისა და განრიგის შესახებ მიმართეთ:

პოლიტიკის მეცნიერება – თსუ IV კორპ., ოთახი №301, Tel -2 22 11 01 (254)

ჟურნალისტიკა და მასობრივი კომუნიკაცია – თსუ VI კორპ., ოთახი №206, Tel -2 22 11 01 (234)

საერთაშორისო ურთიერთობები – თსუ IV კორპ., ოთახი №201 - 202, Tel -2 29 03 66

საზოგადოებრივი გეოგრაფია – თსუ IV კორპ., ოთახი №211, Tel -2 22 11 01(261)


სოციალური მუშაობა და სოციოლოგია – თსუ IV კორპ., ოთახი №306, Tel -2 25 08 19

ფაკულტეტის სასწავლო პროცესის მართვის სამსახური – თსუ VI კორპ., ოთახი №207, Tel -225 17 35

სტუდენტთა მომსახურების ცენტრი – თსუ VI კორპ., ოთახი №104

სამეცნიერო კვლევებისა და განვითარების სამსახური – თსუ VI კორპ., ოთახი №406, Tel -2 22 11 01(228)

შენიშვნა: პირად ბარათში მითითებული ინფორმაციის ცვლილების შემთხვევაში ერთი თვის ვადაში აცნობეთ ფაკულტეტის სასწავლო პროცესის მართვის სამსახურს.



პოლიტიკის მეცნიერება - **Political Science**

მისანიჭებელი კვალიფიკაცია:

პოლიტიკის მეცნიერების ბაკალავრი

პროგრამა იძლევა **ძირითადი და დამატებითი** (major, minor) სპეციალოზების კომბინირების საშუალებას.

პროგრამის ხელმძღვანელები:

პროფესორები **მალხაზ მაცაბერიძე და ალექსანდრე კუხიანიძე**

ჟურნალისტიკა და მასობრივი კომუნიკაცია (ქართულენოვანი) - Journalism and Mass Communications

მისანიჭებელი კვალიფიკაცია:

სოციალურ მეცნიერებათა ბაკალავრი

პროგრამა იძლევა **ძირითადი და დამატებითი** (major, minor) სპეციალოზების კომბინირების საშუალებას.

პროგრამის კოორდინატორი:

ასოცირებული პროფესორი **მანანა შამილიშვილი**

ჟურნალისტიკა და მასობრივი კომუნიკაცია (ქართულ-რუსული) Journalism and Mass Communications

მისანიჭებელი კვალიფიკაცია:

სოციალურ მეცნიერებების ბაკალავრი

პროგრამა იძლევა **ძირითადი და დამატებითი** (major, minor) სპეციალოზების კომბინირების საშუალებას.

პროგრამის ხელმძღვანელი:

ასოცირებული პროფესორი **ხათუნა მაისაშვილი**

საერთაშორისო ურთიერთობები - International Relations

მისანიჭებელი კვალიფიკაცია:

საერთაშორისო ურთიერთობების ბაკალავრი

პროგრამა იძლევა მხოლოდ **ძირითადი** (major) სპეციალობის საშუალებას.



პროგრამის ხელმძღვანელი:

პროფესორი **ზურაბ დავითაშვილი**

საზოგადოებრივი გეოგრაფია - Human Geography

მისანიჭებელი კვალიფიკაცია:

სოციალურ მეცნიერებათა ბაკალავრი საზოგადოებრივ გეოგრაფიაში

პროგრამა იძლევა **ძირითადი და დამატებითი** (major, minor) სპეციალობების კომბინირების საშუალებას.

პროგრამის ხელმძღვანელები:

პროფესორები **იოსებ სალუქვაძე და გიორგი გოგსაძე**

სოციალური მუშაობა- Social Work

მისანიჭებელი კვალიფიკაცია:

სოციალური მუშაობის ბაკალავრი

პროგრამა იძლევა **ძირითადი და დამატებითი** (major, minor) სპეციალობების კომბინირების საშუალებას.

პროგრამის ხელმძღვანელი:

ასოცირებული პროფესორი **სალომე ნამიჭიშვილი**

სოციოლოგია - Sociology

მისანიჭებელი კვალიფიკაცია:

სოციოლოგიის ბაკალავრი

პროგრამა იძლევა **ძირითადი და დამატებითი** (major, minor) სპეციალობების კომბინირების საშუალებას.

პროგრამის ხელმძღვანელი:

პროფესორი **იაგო კაჭაკაჭიშვილი**


საფაკულტეტო რესურსები:

- ახალგაზრდა მკვლევართა ელექტრონული ჟურნალი
- სტუდენტთა ჟურნალი სოციალურ მეცნიერებაში
- კომპიუტერული ცენტრები
- გეოინფორმაციული სისტემების ლაბორატორია
- მულტი მედია ცენტრი
- ტელერადიო ლაბორატორია
- პრეპრინტის ლაბორატორია
- სამკითხველო დარბაზები

სოციალურ მეცნიერებათა კვლევის მეთოდები



სტატისტიკა



აკადემიური წერა





გისურვებთ ნაყოფიერ და
წარმატებულ წელს!

